

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** Te Kāhui Whetū

**Aronga:** Pūtaiao 1.1C

**Paerewa Paetae:** 1.1 Te torotoro i te mātauranga pūtaiao e hāngai ana ki te ao tūroa

**Kaupae:** 1

**Whiwhinga:** 5

---

### He Tohutohu mā te Ākonga

---

#### I tēnei ngohe

I tēnei ngohe, ko tāu mahi he whakaatu i ō mōhiotanga o Matariki, o Puanga rānei, me te whakaatu i te mātauranga pūtaiao e ārahi ana i ngā mōhiotanga o te taiao.

#### Te horopaki

Hei tēnei aromatawai ko tāu mahi he whakarite i tētahi kauhau matihiko ki te whakaatu i ō mōhiotanga o Matariki, o Puanga rānei, me te whakaatu i te mātauranga pūtaiao e ārahi ana i ngā mōhiotanga o te taiao.

Ka whakaatu koe i ngā momo tikanga i kawea e ngā tūpuna mā roto mai i ngā kōrero tuku iho mō ngā whetū. Ka whakaatu hoki koe i te whakamahinga o aua tikanga i ēnei rā.

Ka aromatawaitia koe i runga anō i tō kaha ki te whakaatu i te mātauranga me ngā mōhiotanga o te ao o ngā tūpuna, ngā tikanga i whāia e rātou, ā, me tā tātou kawē tonu i aua tikanga i ēnei rā.

#### Hei mahi

1. Tautohua te whetū, te kāhui whetū rānei, o tō rohe e tohu ana i te tau hou (ko Matariki, ko Puanga, ko mea rānei).
2. Tūhia ētahi pātai hei ārahi i a koe i roto i tō rangahau. Me aro atu ō pātai ki:
  - te hiranga o te kāhui whetū kua tautohua e koe

- ngā kōrero tuku iho a ngā tūpuna o te kāhui whetū nei
  - ngā mōhiotanga i whāia e ngā tūpuna hei ārahi i ngā pāhekoheko o ngā whetū me te taiao
  - ngā tikanga i ahu mai i te tirohanga a ngā tūpuna e ora ai rātou i roto i te taiao. Hei tauira: te hauhake kai me te ruku moana.
3. Kōhia ngā kōrero o tō rangahau.
  4. Whakaraupapahia ngā kōrero. Kia maumahara ake, ka aromatawaitia koe i runga anō i tō kaha ki te whakaatu mōhiotanga ki ngā tirohanga a ngā tūpuna e pā ana ki ngā whetū e ārahi ana i ngā momo tikanga i kawea e rātou i roto i te taiao.
  5. Whakahiato ō kōrero ki tō kauhau matihiko, ā, tukuna ō kōrero ki te hunga mātakitaki.

## Ngā mahi hei tāpae

Ko tāu mahi he tuku i tētahi kauhau matihiko kia roa ake i te 20 mēneti.

## Rauemi

<https://livingbythestars.co.nz>

<https://www.tepapa.govt.nz/discover-collections/read-watch-play/matariki-maori-new-year>

<https://www.tepapa.govt.nz/discover-collections/explore/maori/matariki-maori-new-year/what-matariki/astronomers-explain-puanga>

<https://teara.govt.nz/en/diagram/14080/puanga>

<https://www.witt.ac.nz/About-WITT/News-and-Events/Understanding-Puanga>

## Kuputaka

pāhekoheko

interaction